

十朝东华录

十朝东华录

六月戊辰朔諭軍機大臣等陳啟邁奏賊匪竄擾德安建昌等縣並另股闖入武甯縣城一摺武甯縣屬前經逆蹤竄擾此次復有另股土匪乘勢撲入縣城肆行搶掠而由九江下竄之匪又復深入滋擾建昌雖經退出餘匪仍聚德安若勒辦稍遲一經會合勾結必致蔓延為患該撫見飭遊擊鐵林等會剿武甯一股並添派兵勇令遊擊富克金泰移建昌之師進攻德安務即嚴飭各該員弁迅速相機前進分投夾攻總期立就殲除不得以賊眾兵單藉詞延誤九江為該逆來路所稱速集弁兵由彼處躡賊之後自為要著果能扼守要口絕其來蹤庶截剿自易為力義甯州緊連楚境即為武甯前路前派副將羅玉斌所帶官兵能否扼要堵截自應督飭該員與先派防剿之已革總兵趙如勝合力援剿不得任令偷安巧避致誤事機至各處土匪乘機竄發尤須隨時嚴拏懲辦並著陳啟邁飭屬認真搜捕遇有匪徒聞風嘯聚即行就地撲滅若被逆賊勾結後始以兵力制之辦理更覺費手佛隆恩已革職新授九江鎮總兵居隆阿到任需時當此軍務喫緊之際僅委署無人或暫令該革員隨同剿辦亦無不可但不准請留營效力為事後開脫地步將此由六百里諭令知之○以賊竄德安等縣巡撫陳啟邁下部議處○撥戶部銀四萬兩准安關四萬兩解往南河工需○已諭內閣英隆等奏參俄羅斯船隻由黑龍江駛下棄卡退回之官員一摺俄羅斯船隻道路隘口甚關緊要允宜嚴加防守乃駐紮烏蘇木丹卡倫之雲騎尉巴圖善聞俄羅斯船隻由黑龍江駛下輒行帶兵棄卡退回實屬畏葸無能巴圖善著革職在卡柳號三箇月滿日發伊犁充當苦差兵丁著柳號二箇月滿日鞭責一百革去拜唐阿巡查俄羅斯邊界之佐領暫委協領桂慶等並未前往堵禦輒行退回實屬不知奮勉世管佐領桂慶公中佐領鐵星伊勒東阿防禦色克精額驍騎校訥保均著交部嚴加議處兵丁均著鞭責一百革去拜唐阿署理副都統印務協領瑚遜布並未親率兵丁前往堵禦查問俄羅斯船隻亦屬輕視邊務瑚遜布著交部議處以為坐卡官之戒○論軍機大臣等琦善奏三次進攻瓜州焚船殲匪並催令艇師各船上駛一摺連日攻剿東西兩岸賊匪雖擊斃多名仍未克復瓜州豈得謂大挫賊鋒況夾板夷船為賊砲轟燒人多傷亡被擄是水師已不免挫折雖陸路疊有斬擒焚燒賊船二隻亦屬得不償失見在艇船俱寄泊瓜州上游究竟如何接仗該大臣自應嚴飭該鎮等飛速稟報何至數日之久尚未知接仗情形據稱浙師各船駕駛不能得力且毫無紀律水師疲玩積習最堪痛恨見在水師既歸該大臣節制惟當激勵將弁力圖振作督飭各船駛赴上游力扼鎮江金陵賊匪接濟之路儘仍前玩泄即遵疊次諭旨將該鎮等從嚴懲辦一面飛催紅單各船剋期駛入長江與向榮合力攻剿務當督飭各軍迅圖克復瓜州毋再遷延致干重罪將此由六百里加緊諭令知之○諭昨據英隆等奏稱俄羅斯船隻由黑龍江下駛進入內地由江直下等語前據俄羅斯屢欲遣人赴京至理藩院云有緊要事件並未陳明實情見在黑龍江交界等處有俄羅斯船隻逐一查詢雖據稱係與英吉利等互相爭擾其中恐有別故著德勒克多爾濟等遇便傳喚俄羅斯面加詳詢伊等船隻赴東海大洋究係何故由何處行走何如此緊急詢明後由該

大臣再行密奏原摺著鈔給閱看○命陝西巡撫王慶雲撥銀四萬兩解赴湖北軍需○貴連鎮及高唐軍營兵丁暑藥丸料○庚午諭內閣副都統達洪阿自發往軍營以來屢次打仗皆以身率先奮力獲勝茲聞接戰驟傷左肩略血實屬奮勉可嘉達洪阿著賞給馬褂料一件巴圖魯玉翎管一箇四喜撒指一箇嵌珊瑚火鏢一把大荷包一對小荷包四箇並加恩賞給伊姪孫滿洲火器營委參領富成二等侍衛以示鼓勵○諭軍機大臣等前因逆匪被圍日久死拒不出諭令僧格林沁等擇要設伏誘使出巢痛加剿洗乃本日據該大臣等奏稱二十九日列隊進攻達洪阿身受重傷兵勇陣亡三十餘名顯係我兵失利所稱各營馬步官兵將該逆擊退語涉含混並未將是日接仗情形詳細聲敘該大臣統領全軍剿辦此股逆匪惟恃空濠坐困於攻剿事宜毫無把握既未將賊巢剋日掃除而我兵出隊復屢有挫折似此日事遷延老師糜餉罪將誰誣高唐竄匪尚未殄滅設此股負隅久踞牽掣我師或分竄蔓延肆行句結其患曷可勝言況皖楚賊匪難保不復圖北竄畿輔一日不清大兵即不能南下朕宵旰焦勞難安寢饋該大臣身受重恩亦當為朕分憂也副都統松玉日久未見打仗見在何處紮營是否得力著查明具奏陣亡守備哈清魁巡捕營把總常山均著咨部議卹將此由六百里加緊諭知僧格林沁並諭西凌阿托明阿知之○王申浙江巡撫黃宗漢奏廣東應行採買米石由浙代辦運津以實倉儲得旨所辦認真之至如有未盡事宜隨時請旨○荊州將軍官文等奏剿匪疊勝荆屬漸清酌撥川兵赴省應援得旨荆郡見可無虞酌撤防兵亦節省經費安定人心要著雙保等川兵既可隨剿隨進著嚴催速援武昌官文等統籌全局所見甚是又奏荊州官兵俸餉無著請隨時酌留四川解楚餉銀以資接濟批著照所請行然不可漫無限制仍應隨時具奏○癸酉諭內閣前因御史孟洋奏山西洪洞襄垣襄陵垣曲等縣徵收錢糧不協輿情當經降旨交恆春確查嚴參茲據該撫奏稱委員查明洪洞等縣徵收錢糧並無抑勒浮收辦理不善之處該御史所奏著毋庸議言官例准風聞奏事然不當以毫無影響之詞率行入奏況孟洋籍隸山西陳奏本省事件更應見聞較確何以經該撫飭查所奏各款無一確據嗣後御史言事務當訪查確實不得以傳聞無據之詞妄行彈劾亦不得有意摸稜自甘緘默至各省大吏遇有特旨交查之案尤當細心訪察務得真情不准袒護屬員輒以查無實迹一奏塞責如御史有受人慫恿挾嫌誣陷督撫有瞻徇情面開脫消弭者日後別經發覺必治以欺飾之罪將此通諭知之○甲戌諭軍機大臣等前因賊踞漢陽一帶疊次諭令台湧等通籌全局迅速進兵援應武昌茲據青豫奏稱外援久盼不到連日逆匪屢撲省城復於距省上六十里之金口下七十餘里之白湖鎮正東六十里之豹子解分股盤踞省城情形日形危急等語前於五月初八日即據該督奏稱馳赴德安相機進攻漢陽嗣於五月二十一日復據奏稱擬由孝感之楊店應城之長江埠分兵進剿自應與舒倫保桂明趕緊督兵前進並飛催後起官兵迅速圖攻期何以又隔多日未見將收賊情形馳奏朕心實深焦急該督身任兼圻履任之初正值黃州兵潰楚豫門戶萬分緊要自不暇兼顧武昌此時舒倫保桂明先後帶兵趕到其雲夢應山等處亦漸次肅清正當嚴飭官兵會同前進急攻漢陽漢口以為武昌應援刻下省城守禦日久勢甚危急儻稍有疏

虞該督貽誤之罪豈能稍從末減著卽與舒倫保桂明迅速進兵攻克漢陽爲救援武昌之計或分路進攻或合力會剿惟在該督等酌量布置豈可各存意見遷延觀望致誤事機台湧與舒倫保桂明同援武昌係共辦一事屢次諭旨均責成該督會同該將軍等籌剿嗣後舒倫保桂明務與台湧會銜奏事總期同心協力剿賊肅清江漢儻仍擁兵不進藉詞延宕致有疏失朕惟執法從事決不姑寬將此由六百里加緊諭知台湧並諭舒倫保桂明知之○諭青磨奏省城危急請飭舒倫保桂明救援一摺前有旨令舒倫保桂明由應山過發不准在武勝各關頓兵不進諒該將軍提督等卽可與台湧先後進兵應援武昌本日復降旨催令督兵前進惟賊蹤摩定江北之兵利在速剿亦須嚴防賊匪乘間北竄武昌勢固危急亦須兼籌全局豈可專恃外援該罪他人青磨仍當激勵將士以剿爲守或扼截該逆登岸之路或於沿江上下時出奇兵明攻暗擊總不可稍有疏懈致墮賊計前據官文貴陸奏荆屬漸就肅清見飭雙保福所督帶兵勇由丫角驛赴潛江渡襄河從仙桃鎮麥芒背等處隨剿隨進以援武昌並將川餉二萬兩及鹽課所易之銀五千餘兩派荆州營千總黃家驥等護送取道大江順流赴省是兵餉均已漸集青磨卽可派撥弁兵前往迎護至青磨稱屢咨督臣應援數月不覆一節前據台湧奏春間所覆兩函均爲賊得並有來差艾榮卽係奸細前曾入省充勇有詐領藥丸潛運賊營之事賊情詭譎異常嗣後來往咨函益當嚴密毋令該逆得知虛實青磨與台湧均職任疆圉並當和衷籌辦不得各懷意見致誤軍情將此由六百里加緊諭令知之○諭和春福濟奏連日攻剿情形一摺我兵攻剿廬州逆匪雖屢獲勝仗而郡城總未克復和春等辦理此股賊匪已逾半年前次賊踞六安倚爲犄角見在州城攻克我軍全力專注廬郡何尙毫無把握據奏賊眾千餘向南行走恐竄出之賊尙不止此數儻該逆大股潛遁又擾他處而以零星賊匪牽綴我師卽使收復空城於事何益和春節制全軍福濟職任巡撫均屬責無旁貸總當設法進攻及早克復不得再有延誤自干重罪另片奏已革守備吳錫光呈出陳啟適信件以江西需勇防堵竟敢造言煽惑私行帶去各勇一千餘名實出情理之外和春久歷戎行自當嚴申紀律方足以激勵軍心乃於此等抗違不法之員僅請飭令陳啟邁不得容留並未嚴參治罪似此一味優柔無怪將士不能用命日久無功也吳錫光所帶各勇著和春迅派妥員馳往管帶並將吳錫光截回廬州卽在軍前正法但不可先行洩漏致吳錫光脫逃或煽惑各勇又致激生事端和春係朕特派督兵皖省剿賊大員各路鎮將均歸統率如有遷延不進卽當隨時嚴參治罪何以珠克登等帶兵不能奮勇直至接奉硃批後始行參奏似此瞻徇惡習不除何以統率將士福濟自到軍營屢次奏報不過後路接應亦未運籌決策擁兵糜餉日久無功豈謂朕不能執法從事耶失守太平府城之署同知李三提署當塗縣知縣府經歷王乃晉著一併先行革職仍畱署任學政孫銘恩殉難情形著查明具奏將此由六百里加緊諭令知之○以廬州剿賊無功革總兵官珠克登楊青鶴副都統忠泰職仍畱營效力○予湖北殉難署安陸縣知縣萬成祭葬世職○乙亥諭內閣王懿德奏上游官兵擒獲賊首餘匪漸就肅清一摺福建永安縣會匪江水占踞巖洞寨與陳簡等屢抗官兵經護延建邵道胡應泰參將李煌等督兵兜捕署守備曹鳴鴻將陳

簡手刃斃命李煌親督大隊將賊首江水並助逆股首九名同時擒獲分別凌遲處死梟示地方漸就肅清該匪江水與林俊黃有使分股滋擾見經胡應泰李煌等削平逆壘擒獲賊首辦理尙屬妥協所有在事出力員弁及聯甲紳耆人等著王懿德酌量保奏仍飭將林俊黃有使嚴拏務獲以絕根株○貨福建金門鎮兵丁穀價銀○丁丑諭軍機大臣等琦善奏陸路進剿情形並水師大獲勝仗一摺賊船占踞江面必須水師衝擊斷賊南北來往之路剿辦方能得手五月二十八日及六月初二等日水師連次獲勝可見各路師船如果調度有方尙屬可用江面遼闊師船已提至瓜州以上分泊南北兩岸仍恐該逆乘虛窺伺我師轉形單薄惟在扼要布置隨時激勵以少勝多賊船屢次由金陵下駛向榮株守城外日久無功即不能迅復堅城亦當於陸路接應扼賊分竄向榮與琦善共辦一事若先將瓜州賊匪殄除即可次第進剿會同克復鎮江金陵著該大臣等於南北兩岸嚴飭帶兵各員於陸路要隘併力截剿與水師互爲援應毋得稍失事機紅單船於一月由粵放洋四月杪已由廈門起碇何以至今尙無過浙到滬確信顯係沿途逗遛著琦善向榮飛催迎提並查明統帶各員在何處耽延即行從嚴參辦將此由六百里加緊各諭令知之○以瓜州剿賊復勝復已革總兵官葉長春陳世忠副將李德麟遊擊周士法張攀龍職○庚辰諭內閣前因許乃釗剿辦上海賊匪遲延貽誤曾經降旨革職畱任嗣復摘去頂帶以示薄懲冀其奮勉圖功稍贖罪戾茲據奏稱剿匪情形仍是空言粉飾毫無把握逆匪竄踞上海縣城已逾半載該撫督辦攻剿勞師糜餉日久無功殊堪痛恨許乃釗著即革任交向榮差遣委用以觀後效○諭駱秉章奏新授提督難期勝任等語湖南提督常存前在署總兵任內帶兵赴長沙防剿先經張亮基等派令紫營河西旋復改派往天心閣守城據駱秉章此次所奏係因該員移營江岸遇賊不前是以撤回改派令其稽查兵勇出入乃連日召見常存詢以長沙守禦事宜轉稱從前紫營江岸亦有斬獲嗣因天心閣防守喫緊始將該員移往於當日緩急情形任意顛倒希圖欺飾常存著降爲副將發往直隸交桂良差遣委用儻仍不能得力著隨時察看據實參奏○駱秉章奏逆賊竄踞湘潭經水陸兵勇痛加剿洗零匪四竄飭衡山等各州縣先後截擒潰匪各百餘名維時靖港賊船因逆賊連日大敗兇渠授首賊黨乘風下駛比塔齊布等水陸兵勇回軍長沙該逆已由灣河蘆林潭一帶揚帆下竄經過湘陰岳州等處因舵工水手逃散遺棄船隻頗多其由醴陵水路逸出餘匪探由江西萍鄉萬載新昌等縣轉至湖北邊界會合通城賊匪希圖乘間南犯臣飭知縣陳鑑源等各帶兵勇相機進剿該逆首隊已至上塔市知州林源恩督率勇丁暗鈔其後各勇直前衝殺斃賊九十餘名生擒賊匪沈連升等五名官軍即移營進紮通城九嶺地方該逆分三路來撲各路約千餘人官軍亦分路迎敵向前衝殺轟斃紅巾賊匪數十名匪眾敗潰楚勇乘勝掩殺賊復分踞山頂楚勇亦分路搶上山梁兩路斃賊數十名生擒六名賊匪奔潰五月初四日該匪復分三股由間道鈔襲官軍後路經訓導江忠淑等分投迎擊大獲勝仗斃賊數百名生擒數十名賊匪敗退臣據探報有崇通賊匪邀約蒲圻之賊相助情事復添調守備蔣大勝管帶楚勇六百四十名馳赴平江北界協剿面商署提臣塔齊布督領兵勇即日馳赴岳州相機防剿上諭駱秉章奏

崇通賊匪業已大受懲創其竄踞湖南之賊據奏兇渠僞目多已投首敗殘餘匪疊經各州縣兵勇團眾協同截剿湖南近省地方見已一律肅清著塔齊布等督領兵勇乘勝追殺毋留餘孽迅即馳赴岳州相機攻剿所有截擊潰匪及此次平江剿賊獲勝之各員弁兵勇著該撫擇其尤爲出力者彙入湘潭出力案內覈實酌保候朕施恩毋許冒濫○論軍機大臣等台湧奏派兵進剿阜市一帶賊匪並片奏將軍舒倫保逗留不進各情見在應城亦經收復德安等處餘匪漸就肅清而天門縣屬與該縣交界之阜市一帶尚有賊眾盤踞滋擾台湧見派佈克慎帶兵馳往剿辦此股賊匪無多無難迅就殄滅自無須大兵全數久駐該督移師德安以後將及市月仍未督兵南行即謂必須計出萬全方操勝算亦不應以此遷延株守致誤事機此時黃州漢鎮大股負固如常兼以楚南逆蹤全行下竄皖江潰敗之匪紛紛駛入上游武昌待援情形何等緊要儻以援兵未到致有疏虞台湧又豈能置身事外節次所降諭旨既詳且備著該督迅籌進攻之策一面嚴飭佈克慎速將阜市一股滅盡以爲前路之導一面統兵前進探賊所向奮力殲除總期節節打通與省城聲勢聯屬庶可爲會合夾攻之計桂明見已行抵德安其所帶官兵一千八百餘名皆係勁旅或令該提督全數帶同進剿或應畱若干扼要設防均由台湧酌量調度至桂明如不得力並著隨時察看據實參奏舒倫保藉病稽遲既屬不能助剿著即傳知該將軍來京陛見所有原帶之已到官兵即歸台湧統帶其未到之後起各隊仍著檄提來營以資攻剿前據官文等奏荊州各屬諸就肅清已分兵由襄河入江隨地剿洗冀可直達武昌是西路亦有應援當此兵力厚集之時台湧職任疆圉膺茲統兵重任事權既一責有攸歸惟在體察機宜安速籌辦毋得再事迂緩致干罪戾將此由六百里加緊諭令知之○以吉爾杭阿爲江蘇巡撫調陶恩培爲江蘇布政使賞恆福三品頂帶署山西布政使已革大員寺卿○實授塔齊布湖南提督○辛巳諭內閣前經降旨著各路統兵大臣暨各該督撫迅速查明逆匪經過地方陣亡鄉勇除例得請卹外其有激於義憤殺賊殞身者無論防剿逆匪土匪准令紳民於各該地方建立總坊一併題名並從祀忠義祠以昭激勵惟向來建坊入祠之案例皆按年彙題由部覈覆未免往返需時所有各處紳民殺賊遇害既由各路統兵大臣及各該督撫查明著於該州縣申詳到時即行遵旨建坊入祠隨時咨部存案俾免稽延至有合家男婦同時殉難者並准照總坊例聽其自行另建一坊以示表異其婦女恐被玷辱捐軀明志者准其從祀節孝祠以慰貞魂○諭達洪阿帶兵剿賊身受槍傷猶復裹瘡力戰實屬奮勇茲又因傷患病著加恩賞給如意拔毒散交伊子戶部員外郎穆克金布齎往軍營看視○論軍機大臣等前據僧格林沁奏連日大雨進剿仍未得手當經諭令該大臣趕緊進攻數日以來未見續報逆匪既分竄高唐則連鎮之賊其勢已孤該大臣於攻擊事宜何以尙無把握實深焦灼本日據琦善奏稱拿獲偽總制劉玉山供稱逆首楊秀青聞北路賊匪被圍欲派大股黨與從揚州清江北竄等語見在琦善大兵駐紮揚州自可隨時堵禦惟北匪一日不除設南匪又從間道北竄會合其事更不可問總之連鎮逆匪若能及早殄除不但該逆不敢窺伺河北大兵且可乘勢南下皖楚之匪亦可次第掃除若以敗竄餘匪牽掣大兵曠日持久深恐別滋他變該大臣身受重恩亦當

籌慮及此著卽督飭各路將弁剋日進攻毋再遷延致干重罪將此由六百里加緊諭令知之○諭本日據琦善奏稱拏獲偽總制劉玉山供稱逆首楊秀青因北賊被圍欲派大股賊匪由揚州清江北竄應援等語琦善大兵駐紮揚州自可隨時堵剿但北賊一日不除則南賊救援之心不絕設或大股復來剿洗更屬不易此時高唐逆匪不足千人該大臣督兵攻剿日久無功恐南賊聞之有輕量我軍之心勢必乘虛北竄更肆猖獗若能及早蕩平可以杜其覬覦善勝保等督飭將弁一鼓作氣迅將高唐州城克復此股既平卽可與僧格林沁合力勦辦連鎮逆匪既可肅清畿輔兼可爲南下之舉若曠日持久致令南匪續行北竄餘燼復然該大臣自問當得何罪將此由六百里加緊諭令知之○諭琦善奏艇師續獲大勝並儀徵六合剿匪情形一摺我兵自前月攻剿疊獲勝仗葉常春等將水軍各船駛起上游燬船幾匪甚多復於六月初二日派流迎剿兩路追截賊船不能下竄逆擊照信等及前任副都統富春等所帶兵勇亦於儀徵六合沿江一帶各有斬擒軍聲大振逆膽已寒卽可水陸夾擊杜絕接濟以孤瓜州賊勢琦善因瓜州與鎮江密邇中有金山賊壘與爲犄角恐官軍戰艦難於扼斷尙屬實情然水師旣能得手亦須陸路設法直抵該逆瓜州土城方爲勝算若如所奏初三四等日進攻情形仍以閉營阻水爲詞當此夏令盛行積潦狂風江鄉常事豈能待水退泥乾方作破巢之舉況賊匪在金陵添造賊船催調賊兵必係別有詭謀除紅單等船悉力嚴提外亟應迅速克復瓜州能除一處賊巢卽可省一分兵力毋再延緩坐失事機至浦口直對金陵揚州近接袁浦逆首楊秀青以北犯之賊屢被懲創思欲分股再來援應又因浦口有兵阻擋安徽道路迂回欲徑走揚州直奔清江琦善身爲統帥久擁重兵自應四面偵探堵其北竄然果能卽克瓜州則該逆寒心礙魄必不敢覬覦揚郡若但株守邗江不復再謀進取使賊眾輕視我軍卽連鎮高唐一律肅清亦恐另圖滋擾琦善節制水陸各軍何至於瓜州一股束手若此舟師鎮將葉常春等前已開復原官此次復能打仗出力著傳旨嘉獎如果再知奮勉殺賊圖功卽著酌量保奏候朕施恩將此由六百里加緊諭令知之○諭據袁甲三奏請嚴明賞罰以勵人心一摺據稱此次克復六安該州紳民不假兵力不資兵餉卽能克復州城又聞合肥紳民亦有糾眾助勦廬賊之說請卽立與恩施並酌免糧賦酌加學額俾閩境同邀曠典其捐糧督勇之人請優敘官職以資激勵等語著和春福濟確切查明據實具奏其六安營參將慶齡守備王連陞把總陳法魁於城陷後逃至山中伏匿迨州城收復後慶齡王連陞先後進城獨陳法魁尙不知所在六安州知州宋培之有無下落著一併查明分別懲處據奏有劣紳孔廣春傳雨鈞沈鑄奎等豫釐財物齎送逆賊等語愚民食毛踐土尙當義切同仇況身列縉紳乃敢迎賊送糧情同叛逆實屬法所難寬如果查明屬實卽著將該劣紳等家產查鈔入官並查明有無甘心從逆情事分別治罪吏目梁繪事巡檢俞元齡鍾恕賊至時有無逃避情事此次各督義勇分路攻剿著有微勞是否功過尙足相抵著查明具奏至前護廬鳳道立誠旣經改派恩錫會同袁甲三審辦何以福濟又將恩錫調赴廬州此案入未擬結著福濟明白回奏將此由六百里加緊諭令知之○袁甲三奏探聞捻匪有攻撲定城之說臣派廬鳳道張光第帶勇數百名先赴縣城以壯聲威另派文武員

弁由壽定交界之白鷺橋一帶確探進剿嗣據該文武稟稱白鷺橋附近周圍百餘里處處匪巢見分三大股東股陸高雍朱張單等姓匪徒盤踞朱家灣一帶南股談李趙魏等姓匪徒盤踞小店集一帶西股紀戴余李魏胡等姓匪徒盤踞余家灣一帶該匪等或數百人或數千人時分時合句結爲害其間深溝固壘有險可據之窟約有五六處該文武等一面出示曉諭解散暫從一面揀派土人作爲嚮導於五月二十三日率隊進攻余家灣匪穴該匪出巢迎拒我軍連放槍礮擊斃多名奪獲旗幟器械多件該匪奔退回巢我軍追至巢邊奮勇直前四面圍攻因巢外濠牆環固未能攻破該文武等一面勦其附近黨與然後併力圍攻並探聞另股匪徒占踞陳家圩姜家岡等處遂於本月初二日出隊會同署壽州知州金光飭署定遠縣知縣李登洲帶勇前進該匪等竟敢離巢抗拒我師分路前進放連環槍礮斃五六十人該匪大亂向西南兩路分竄該文武等指揮兵勇追殺擒斬七八十人生擒千和等十六人奪獲大小槍礮四十餘桿旗幟三十餘面追至姜家岡官軍一擁直前當將賊巢燒毀並另燒陳家圩湯家岡匪穴十餘處見已嚴飭文武將另股匪黨迅速掃除再行合攻余家灣以期聚而殲擒廬鳳道張光第已督飭附近縣城團練數千人相機接應該文武俟西路肅清再行依次東來與該道會合接剿總期壽定各交界一帶全行肅清斷不任將就了事再貽後患又奏見在淮南匪徒勦辦正在喫緊之際難保不北竄蒙懷潛行嘯聚見已札飭遊擊李成虎帶領兵勇暫赴懷蒙接應堵剿至蒙城以西亳州以南因遊匪土匪滋擾團練均已潰散另派候補直隸州知州王啟秀由宿州撥兵百餘名試用知縣劉錫齡由臨淮帶勇百餘名分赴各鄉督率紳民整頓團練遇有零星匪肆擾即行兜擊免致再行竊發報聞○壬午僧格林沁等奏自六月以來陰雨洩旬逆匪疊聚高阜我兵紮營河次地處低窪該逆死拒不出難保不另生詭謀臣因咨山東撫臣派員將連鎖上游四女寺引河挑濬以期宣洩一面沿濠修築套隄藉資浸灌東光屬紳民甚形踴躍復札飭吳橋縣一律舉行臣仍督飭各營兵丁幫同修築俟興築稍有規模體察情形如可以水爲兵立即設法浸灌仍當趕緊另籌攻剿之法斷不敢以開挖套隄爲詞意存耽延得旨以水爲圍專爲杜其逃竄不能制其死命見惟利在速戰惟恐其不出何反使之不出耶徒勞無益曷若趕緊進攻較有把握沿濠築隄朕謂實啟其詭謀汝出師半載有餘未能殲茲小醜屢次請罪朕皆寬宥若如是耽延畏葸草率法豈能倖逃懷之○癸未諭內閣台湧奏武昌省城失守一摺逆匪竄擾湖北漢陽漢口屢次窺伺省垣雖經官兵截擊疊獲勝仗而賊勢猖獗武昌待援孔亟節經諭令台湧進兵策應乃遷延日久尙在德安茲據奏稱六月初二日賊由青山一帶分撲塘角洪山等處營盤兵勇潰敗營被焚燒青廖派兵出城抵禦甫經接仗突見城中火起城上賊旗分布漢陽漢口賊船渡江圍撲官軍勢不能支省城遽爾失守覽奏曷勝憤懣台湧職任兼圻毫無布置前次暫予革職尙望其自贖愆尤乃一味因循貽誤大局實堪痛恨台湧著卽革職交楊需差遣委用並著楊需馳驛速赴新任統帶各路官兵迅籌勦辦務將省城趕緊克復以次掃除各屬賊匪毋令該逆日久占踞用副委任所有武昌城內文武各員下落卽著迅速查明具奏○諭軍機大臣等據台湧奏武昌失守巡撫等官不知下落一摺台湧賴兵江北屢

次諭令進攻漢陽如果迅速前進即未能直達武昌亦何至省城倉卒失陷此時武漢之賊跨江分踞又有黃州之賊爲之犄角其勢愈覺猖獗楊需見援巡撫武勝關防守事宜已諭令英桂趕緊出省督辦所有河南防兵即留於該處交英桂擇要布置舒倫保先到之滿漢兵一千七百名已由小河驛進抵楊店台湧所帶之兵二千餘名加以舒倫保後起未到之兵數已不少即著楊需全行統帶迅速進攻從荊州下駛之四川官兵二千名桂明所帶陝甘官兵一千八百餘名均著楊需妥籌調度早市盤踞之賊爲數無多佈克慎著即帶兵隨該撫前往武昌其阜市一帶即交桂明剿辦武昌此次失守係因奸匪內應其在城兵勇原不下萬人如尙可收用亟應妥爲招集內有魁玉所帶之荊州駐防兵紮營洪山此次逆賊係由洪山直入大東門該副都統作何下落台湧摺內亦未敘及著與青麐等下落一併詳查具奏武昌省垣固宜迅圖克復而漢陽賊黨亦須防其北竄楊需攝任兼圻責無旁貸應如何設法兼顧相機進剿之處迅速馳奏本日復寄諭官文飭催四川官兵二千名並酌量添派荊州得勝之兵赴省又諭令塔齊布會國藩由岳州督帶礮船東下直達武漢仍著楊需分別咨催聯絡一氣併力進攻迅圖克復將此由六百里加緊諭令知之○諭台湧奏武昌失守一摺武昌一郡關繫東南數省大局若不亟籌攻克必致日肆騷張勢更不可收拾楊需在信陽一帶防堵豫楚要隘本日已諭令該撫迅即啟程南下將台湧所領各路官軍全數統帶探賊所向速籌剿辦目下皖省賊匪尙復紛紛上竄楚南逆蹤亦全行下駛尤非上下游會合夾擊不能圖功會國藩前奏添募兵勇修造戰船約六月初即可濟事並稱塔齊布先已馳赴岳州一俟料理完竣即會同率師前進該提督等著於接奉此旨後即日督帶水陸各軍乘勢東趨或合力進攻或分投截擊總須隨剿隨進直達武昌迅復堅城滅此狂寇其應由何路進剿並如何豫爲布置冀可計出萬全務即妥速籌畫隨時奏聞所有官文等派赴下游助剿之四川官兵由襄河一路前往並著塔齊布會國藩互爲知照以期聯絡聲勢一面隨時照會略秉章在楚鄂交界處所妥籌防堵毋稍疏懈將此由六百里加緊諭知塔齊布並諭會國藩知之○諭見在武昌既失賊勢愈形猖獗非厚集兵力難期收復前調四川松潘建昌兩鎮官兵據官文奏稱已於五月十八二十等日先後抵荆並飭該鎮雙保等由漢陽過江赴省此時武昌需兵萬分緊急著官文再行嚴飭該鎮雙保福忻統帶官兵星夜前進聽候楊需調撥毋許停留其所需糧餉鉛藥即著官文妥籌應付毋致遲誤至守備宗維清等前經該將軍派令分路覓船由洪湖一帶相機赴省此外有無可調將領並著官文酌量派往武昌以資攻剿至貴陞所帶兵勇前據奏稱撤回渡口等處防守可否即由貴陞統帶前進以爲楊需應援之處並著官文就目下情形熟籌商辦迅速馳奏荊州固屬緊要而武漢之賊一日不盡則荊州一日不能安枕該將軍定能通籌全局先其所急也將此由六百里加緊諭令知之○諭見在武昌已失賊勢大熾難保不復圖北竄豫省南境萬分緊要英桂即行出省馳赴信陽州一帶往來調度其黃土平靖武勝各關布置是否嚴密光山商城等處應否添兵扼要著通籌全局迅速由驛馳奏有須應行親往督防之處著即馳守一隅坐視貽誤所有河南省城一切事宜著鄭敦謹小心防守妥爲籌畫將此由六百里加緊諭知英桂

並諭鄭敦謹知之○以楊需爲湖北巡撫兼署湖廣總督譚廷襄爲順天府府尹昇福署山東按察使由登萊○以夏廷樞爲湖北布政使文發爲四川按察使由廣西左○以徐之銘爲湖北按察使由陝西○命陝西巡撫王燾雲撥銀五萬兩解赴湖北巡撫

楊需軍營○贈直隸連鎮傷亡副都統達洪阿都統銜子祭葬世職如陣亡例諡武壯○甲申諭軍機大臣等有人奏江蘇蘇松太

道吳健彰有侵吞關稅銀兩由海船帶回廣東並接濟海匪劉麗川等事本日已將吳健彰革職拿問該革員原籍實財家產著某

名琛拍賣迅即派員嚴密查封聽候諭旨毋得洩漏致有隱匿寄頓之弊至吳健彰有無由海船帶回銀兩數至累萬之多並著查

明具奏將此由六百里諭令知之○諭有人奏蘇松太道吳健彰通夷養賊一摺據稱賊首劉麗川曾爲該道管理帳目匪黨皆該

道練勇初起事時該道首先得信將眷屬寄居夷船所有道庫存銀三四十萬悉以遺賊所雇拖盤船隻名爲捐貲實取償於關稅

並有舊識廣東貨船到滬免其納稅以致夷商不服復將關稅銀兩隱匿由海道運回原籍又與人夥開旗昌行賊匪糧食藥彈即

由此行接濟且與該匪屢次在船會晤等語上海賊匪日久未滅若非吳健彰勾通要結何至最爾滬城不能收復原奏所稱賊私

各款已屬罪無可逭而通夷養賊情罪重大尤堪痛恨吳健彰著即革職拿問交怡良吉爾杭阿按照摺內所參情節逐一嚴審定

擬罪名具奏怡良於上海軍務本非原辦吉爾杭阿尙能持正必不至爲吳健彰蒙蔽毋得稍有回護開脫原摺著鈔給閱看將此

由六百里諭令知之○諭有人奏江蘇上海道吳健彰與賊首劉麗川同鄉近日賊匪至船上與該道會晤等語如果屬實大干法

紀著黃宗漢迅派明幹大員藉別項公事馳赴上海不動聲色按照摺內所參各情節逐一訪查明確據實由驛馳奏毋許稍有不

實不盡並嚴飭該委員等不得稍有洩漏致干重咎原摺著鈔給閱看將此由六百里諭令知之○裁江南河庫道庫大使員缺○

丙戌諭軍機大臣等前據袁甲三奏請就滯銷鹽引籌運濟餉一摺當交戶部速議具奏茲據該部覆奏交怡良袁甲三會同妥辦

著袁甲三一面向將見擬章程委員妥辦一面將該部摺內所指各條是否確有把握迅速具奏並會同怡良通盤籌畫飭屬認真辦

理所收課銀分解江皖各營接濟軍需仍分別綱數銀數由該運司造冊詳報兩江總督報部查覈以免混淆袁甲三另片奏請將

湖淮大小船隻分別編號官雇載鹽兵勇往來皆可搭坐等語亦與怡良會商妥議戶部摺著鈔給閱看袁甲三原片一件並著發

還將此由五百里各諭令知之尋袁甲三奏遵查部覆各條詳慎覈實惟商以暢銷爲利但使皖豫兩省肅清自能確有把握見計

一年可銷六七十萬包已委員恪遵新章妥辦下部議從之○丁亥諭軍機大臣等官文奏武昌失守速籌剿辦一摺並另摺奏稱

調撥川兵防剿湖南股匪等語據奏賊眾由岳州旁窺常德見派福所即派川兵五百名渡江在公安澧州交界處所相機剿截杜

賊北竄而監利潛江一帶仍有土匪勾結滋擾沔陽亦尚未復是荆郡防守情形不可稍涉鬆動惟武昌一郡爲根本重地黃州漢

陽仍有大股盤踞該逆跨江拒守益肆披猖此時自以迅攻武昌爲急所有雙保原帶之川兵一千五百名既由襄河一路前進仍

著該將軍飭令急趨進剿即將天門沔陽一帶道路設法疏通以期徑達漢陽爲迅速進攻之計惟兵力尙單所有紮營了角驛之

佐領錫齡阿等所領兵勇能否分派赴省並此外有無官兵可撥著官文等相機調度速籌進剿至上游防剿岳州竄匪亦關緊要四川練丁一千餘名既行抵宜昌即毋庸令其折回正可擇要布置以助兵力惟專待川省派員接管亦恐緩不濟急該將軍如有得力將領堪以統帶之員即著先行酌派督率前進中途如遇楊需即可歸該撫統帶設或此項官兵可先抵武昌亦不必因楊需未到逗遛守候致誤事機官文等惟當統籌全局方為不負委任台灣業經革職留營其巡撫以下各官前據台灣奏探係縱城而去儻或逃至荊州即著由驛具奏將此由六百里加緊諭知官文並諭貴陞知之○戊子諭軍機大臣等見在連鎮攻剿喫緊亟須添派官兵迅將此股殘寇剋日殲除本日已派王明帶領圓明園八旗兵丁一千名前往連鎮軍營並著載齡即飭所帶固安防兵一千名一併前赴連鎮軍營均歸王明統帶即由載齡先行知會僧格林沁以備調撥所有雄縣防兵著載齡迅速馳往統帶扼要駐紮以為後路聲援一切防守情形隨時由驛馳奏將此由六百里加緊諭令知之○己丑諭軍機大臣等琦善奏紅單船已抵吳淞請飭催上駛一摺本日已有旨飭令怡良吉爾杭阿飛催前進不准上海截留矣艇師各船兩次獲勝見已扼定上游金陵與瓜州水路業經隔絕吳全美等管帶紅單船五十隻於五月初六日全抵吳淞江口此項船隻駛赴上游扼要分布則水上一軍聲威已壯即可為肅清江面之舉著琦善向榮飛催迎提督飭統帶水師各員與艇船合力攻剿毋稍延緩逆匪聞我水師雲集必亟思抗拒據稱楊秀青將湖南北等處賊船調回共攻師船冀得打通江路自係意中之事惟在該大臣等妥速調撥乘賊船未集之時一鼓作氣庶可大挫賊鋒斷不可稍涉遲緩致誤事機該逆於當塗江面以舟載荻又於金陵城外趕造火攻船隻並多紮巨筏上安據牌詭計百出必須先事豫防著向榮於當塗一帶設法破其奸謀並嚴飭葉常春吳全美等加意防範勿墮其奸計紅單船自上年奏調日久始抵長江廣東籌辦此事甚為費力琦善向榮必當加意慎重防護周密毋致稍有挫失陳金綬幫辦軍務近日琦善奏報未見該提督出仗獲勝能否得力並著琦善據實具奏將此由六百里加緊諭令知之○諭據琦善奏稱六月初六日紅單船五十隻全抵吳淞江口見已旬日尚未駛到等語此項紅單船隻原為調赴金陵等處協同剿賊見在水路艇師已經疊獲勝仗正可乘此聲威肅清江面況聞該逆欲將楚省賊船調回共攻艇師亟應豫為防範破其奸謀著怡良吉爾杭阿迅即派員催令管帶紅單船隻之吳全美等趕緊上駛毋得截留上海並著將鉛子火藥等項即於吳淞口備齊以便趕赴焦山會合水師藉資攻剿斷不准片刻延宕致誤事機將此由六百里加緊各諭令知之○予安徽殉難團首布政司理問銜朱殿甲祭葬世職○以六安士民捐貲團練出力免咸豐三四年額賦永廣文武學額各一名○駱秉章奏逆賊自湖北竄陷華容縣復句結賊船竄踞岳州分陷龍陽見調兵勇馳往援剿情形得旨失守城池暨殉難之文武各員著查明分別請卹嚴參烏什哈雖非守土城陷猶存豈能任其趨避亦即行嚴參又奏衡陽清泉二縣錢漕請仍歸保甲催徵完納批旨國藩前奏未詳始末故有應更易之批諭今觀汝奏朕始了然著循舊例不必更張○辛卯諭內閣前因親王銜定郡王載銓奏請酌擬私造大錢人犯酌加枷號各摺當交刑部一併

議奏茲據該部奏請嗣後審辦私鑄大錢之案無論是否已及十千將爲首及匠人俱從重擬以斬監候等語見在私鑄之案層見疊出若不從嚴懲辦必致私鑄日見充盈官錢日形壅滯自應嚴定罪名以示懲儆嗣後私鑄大錢之爲首及匠人著卽照刑部所議無論是否已及十千俱從重定爲斬監候至所稱此項斬候之犯俟秋審時再行分別錢數次數酌辦以及應擬軍流等犯先加枷號臨時再酌定期限等語所奏殊屬含混著交部分別情節輕重再行嚴議明定章程具奏○僧格林沁奏臣挑挖重隄冀得藉水浸灌不料連日大雨河水斗長連鎮南面河隄被水衝決水勢甚猛四女寺引河德州已報開壑見在決口之水已將賊匪占踞之陳莊及南面小村浸沒數尺逆匪或在牆垣房上躲避或覓水奔赴連鎮惟套隄興工未及一半河隄衝決東面營盤不能屯紮見在調取船隻暫紮水營已派員前往德州提桶洩水俟水勢漸消卽趕緊搶護河隄一面相機攻擊 上諭軍機大臣等前據僧格林沁奏挑挖重隄爲截水灌賊之計朕早知其徒勞無益當經嚴切批示諭令趕緊進攻嗣據僧格林沁奏報並未陳明進攻之策但稱隄工已有就緒是直視空隄一節爲可恃以成功而置萬餘重兵於無用之地何玩謬若此今據奏南面河隄被水衝決雖賊踞村莊間有浸沒而我兵東面營盤竟至不能屯紮可見築隄截水不但未能制賊而衝決浸灌我兵轉受其害更恐該逆乘機紛竄泥淖之中我兵馬隊不能得力僧格林沁以此等迂緩之謀視爲上策朕實不解逆匪竄踞連鎮數月之久未受懲創反得養其精銳蓄其奸謀而我兵力疲氣餒何日始能蕺事若以軍律而論卽將僧格林沁重治其罪亦不爲過第念連鎮之賊勢將垂斃若驟易生手轉致啟賊詭謀是以僧格林沁奏請派兵卽將固安防守之兵悉數派往又派玉明管帶團勇官兵前往協剿著卽懷遵前次批諭以速戰制賊之命不得仍恃水圍徒延時日若續派官兵均已到營僧格林沁仍不能迅圖進剿國典具在不能再從寬宥勿謂疊次諭旨可視同具文也將此由六百里加緊諭令知之○諭有人奏廣東瓊州府屬瓊山文昌會同三縣有無賴游手糾集多人名爲老洪會藉端詐索肆行搶掠雖被練勇格斃多名其分擾各縣亦均有搶戮而黨與尚多並各海口時有盜船停泊居民驚恐會匪勾引洋盜其患更不可勝言著葉名琛柏貴按照摺內所指各情檄飭該管道府督率所屬地方官務將首要各犯嚴密查拏就地正法無任一名漏網其被誘愚民著卽明白曉諭務使悔過自新咸爲良善俾海外黎民各安生業原摺著鈔給閱看將此諭令知之○清安泰以病免調文發爲湖南按察使以胡林翼爲四川按察使由貴州貴 仍留湖南軍營○王辰修山東運河泲河捕河上河四廳隄工○癸巳諭內閣前因刑部奏私鑄大錢人犯定爲斬監候俟秋審時分別酌辦所奏含混諭令再行嚴議茲據該部將問擬斬候各犯分別情實緩決定擬具奏見在大錢壅滯皆由私鑄日多若如該部所議私鑄僅止一次爲數不及十千者酌入緩決奸民勢必避重就輕私鑄仍難禁絕嗣後私鑄大錢案內爲首及匠人問擬斬候之犯無論錢數次數均著入於秋審情實至案內應擬遣罪及軍流徒犯均著照該部所議辦理○以吳廷棟爲直隸按察使由永定○乙未諭內閣蔣蔚遠奏剿辦匪徒首犯就擒一摺貴州獨山州土匪勾結粵匪滋事前經官兵攻剿連獲勝仗該匪仍竄踞山崗負隅抗拒四月十六七

等日官兵連攻數崗殲賊匪唐士達等數百名十八日參將英志等督帶兵練馳赴董徐進攻賊壘殺賊甚多該逆楊元保復帶傷逃逸竄往廣西昔里山地方經英志等分路馳往偵緊圍捕將楊元保擒獲解省正法該撫復飭在事文武投捕餘黨以冀一律肅清此股獨山匪徒滋事已經兩月該鎮道等督率剿辦調度尙屬得宜所有在事文武各員弁擇其尤爲出力者酌保數員候朕施恩毋許冒濫○諭阿彥達著馳驛前往雄縣接辦防守事宜載齡俟阿彥達到防後卽日回京○諭軍機大臣等勝保等奏陰雨連旬進攻未能得手一摺高唐逆匪占踞已久勝保自六月初十日奏報攻剿情形後幾及兩旬未見續報朕心正深懸繫乃本日據奏又因連日陰雨槍箭均不得力雖逆匪並未竄出而我兵多有傷亡於攻克城池仍係毫無把握覽奏益增焦灼環城積水甚深進戰固難得手當賊匪夜間撲擾之時儘可設法殲殺此股逆匪數不滿千困守孤城無從裹脅但能隨時斬殲自可日亡日少何至任此數百殘寇久踞城池若盡該之天時地勢直欲坐待其斃何日始能了事所稱城中糧草殆盡之語恐亦未甚確實無論賊勢窮蹙與否總以剋日攻城殲滅淨盡爲上策不能專恃勇力之處卽應設謀用計安速籌攻豈可坐待天晴始圖進取昨據僧格林沁奏挑挖重隄因運河斗漲致有衝決儻連鎮逆匪乘我兵泥淖難追借力南竄勢必句連復熾剿辦愈難該大臣統籌全局必不敢有意耽延也另片奏商屬崇恩於武定德平一帶加意嚴防是否該撫親往抑係派員防守能否得力卽著妥籌具奏將此由六百里加緊諭知勝保並諭德勒克色楞善祿崇恩知之○勝保奏聞連鎮軍營引水以灌賊營恐水潰賊竄已屬崇恩加意嚴防得旨亦不爲過慮想連鎮之賊不日亦應竄出矣○兩江總督怡良等奏江南焦山水營需用藥餉隨時接濟並無歧視得旨汝自到任以來何曾兼顧汝在彼何異於蘇州知府又奏廣東紅單船口糧經費當設法那款墊發不敢遲誤批如此甚好若有遲誤必照軍法懲之○丙申熱河都統毓書奏遵旨壽款鼓舞推行鈔法請官收銅百斤作銀十兩報捐者八十斤作銀十兩銅器百斤作銀十三兩並設立官錢局以逐卯所鑄之錢作爲票本得旨所奏俱妥實無可再議卽照所擬行○是月停徵河南鞏縣水占沙壓地畝額賦

咸豐東華錄三十七

秋七月戊戌朝修浙江海甯仁和海塘各工○己亥僧格林沁奏連日天色開霽運河水勢漸平而決口之水仍然汎濫漫流見在趕緊設法修築河隄嚴催委員將四面套隄築固以利圍剿而防水患又恐該逆趁水遠颺復經雇覓小船派撥官兵往來游弋晝夜梭巡該逆被圍情急時思潰竄連次乘夜出巢窺伺均經官兵擊退六月二十八日夜風雨大作該逆乘機斃水向東面撲來勢極猖獗奔至濠牆經慶祺明慶綢闊舒保巴揚阿等督兵極力截剿斃賊無數餘匪紛紛落水次日由決口漂出帶箭著槍賊屍一百餘具我兵陣亡官一員兵十名受傷官兵十四名其陣亡之黑龍江正黃旗驍騎校委參領伊郎阿應請飭部照例議卹目下連鎮軍營形勢利在速戰今挑濠築隄作此緩圖者因該逆百戰之餘狡悍異常動輒潛匿死拒每遇合力併攻賊壘我兵多有傷

亡徒折精銳兩月以來設法引誘無計不施臣及各營統帶不論風雨日夜隨時前往督視實未敢稍耽安逸惟有顛懇 皇上逾格天恩寬予時日容臣趕緊圖功以贖咎戾 上諭軍機大臣等覽本日所奏逆眾夜乘風雨竟至奔撲東面濠牆雖經我兵極力擊退而斃賊並不甚多且弁兵亦有傷亡攻剿仍不得手似此展轉遷延何日始能了事該逆圍困日久必亟思逃逸若果全數竄出我兵截剿自可得力惟見在河水漲溢辦理已形棘手設逆眾四出奔逃我兵盡在西北一帶其東南兩面本覺空虛倘有疏虞官兵爲水所阻更恐顧此失彼著僧格林沁熟籌妥辦計出萬全或移營逼近賊巢以便堵擊或設法誘出痛加剿洗務期迅滅妖氛肅清畿輔斷不准以賊眾堅匿不出我兵進攻徒折精銳等語一奏塞責如再不能速戰滅此窮寇但以愚蠢自居尙欲懇恩寬予時日朕必治該大臣以有意耽延之罪別無他諭矣將此由六百里加緊諭知僧格林沁並諭西凌阿托明阿知之○諭前因武昌失守特授楊需爲湖北巡撫諭令統帶台湧所領之兵徑赴武昌復以阜市一帶尙有賊匪恐佈克慎不能分身令桂明作爲後路替回佈克慎隨赴武昌原期迅速進攻力圖克復本日據台湧奏阜市盤踞之賊一律肅清長江埠續來賊船亦已擊散佈克慎督兵折赴應城該處距江口較近正可催令趕緊前進爲該撫先聲舒倫保桂明抵德安後遷延不進前有旨令舒倫保來京陛見並令台湧察看桂明如不得力卽行參奏本日台湧摺內並未遵辦但稱舒倫保於十一日拔營十六日始抵蘆官店距雙廟驛尙有七十五里桂明於十七日啟程十九日始抵四里廟距滬口尙有一百四里見在飛催等語湖北軍情急於星火若皆似此耽延豈非有心貽誤楊需旣由德安一帶赴任應如何布置卽著節節妥籌以速爲妙舒倫保桂明果係有意逗遛卽著查明據實嚴參台湧請獎阜市等處剿匪出力人員並著該撫查明酌保毋許冒濫武昌省城文武下落仍著確查具奏將此由六百里加緊諭令知之○已革湖廣總督台湧奏謝革職仍畱差遣恩得旨汝之孤恩溺職至矣盡矣此次密諭並未看明亦未令舒倫保來京昏憤若是無怪乎昧機失宜以後如果能振刷精神奮勉出力尙不難再承恩眷若一味擁兵自衛從旁掣肘是眞一老廢物也朕必將汝軍法從事無待於楊需參劾汝曾歷戎行效力多年若末路不能自保如博勒恭武之貽笑天下朕甚爲汝惜○辛丑諭內閣向榮奏請飭各直省嚴緝逃兵等語據稱募補新兵間有遠去無蹤經該大臣咨行通緝日久犯無一獲軍營兵丁豈容擅離營盤甚至私行逃脫於行軍紀律大有關係著各直省將軍督撫府尹遇有各路軍營咨拏逃兵卽照單開年貌趕緊緝拿務獲就地卽行正法毋任漏網以肅戎行○駱秉章奏賊自五月十三日竄陷龍陽後賊船由滄港白沙市駛進十五日攻撲常德府城十六日午刻城陷知府景星副將富勒敦遇害臣飛催游擊周鳳山都司李輔朝星速帶勇先進二十五二十七等日周鳳山等行抵龍陽賊船百餘隻飛駛前來上下分泊陸路賊匪從後繞撲營盤周鳳山李輔朝督勇分路鏖戰轟斃賊匪百數十名奪獲賊船二十餘隻賊船敗績駛回二十八二十九等日大雨如注湖水驟長丈餘營盤被水淹浸六月初一日賊船三千餘隻乘漲直逼營盤三面開礮轟擊周鳳山等見勢難支持一面分隊拒戰一面覓路退回毓德舖沿途野潦縱橫各勇見水徑過間有溺斃軍裝頗有損失是

日貴東道胡林翼帶黔勇由益陽馳抵毓德鋪詢知前途無船勢難飛渡決計從益陽馬家塘取道黃土店可由桃源武陵邊境直抵常德飭周鳳山等帶勇徑回益陽整理軍裝自帶黔勇斷後以防賊匪追襲初四日胡林翼帶勇先發周鳳山李輔朝隨同前進貴州參將閃雲統帶黔兵六百行抵辰州已飛札會同胡林翼進剿伏想逆賊攻陷常德分踞岳州是全湖之險已爲該逆所踞雖中路進剿岳州之賊有署提塔齊布一軍西路進剿常德之賊有貴東道胡林翼一軍然止能於陸路相機痛剿若賊匪上船官軍卽未免望洋興歎是制賊死命終非水軍莫濟前禮部侍郎臣曾國藩戰船修造甫畢廣西委員李孟羣所募水勇千名甫經到省鎮陳輝龍所造淺水挖罟尙須旬日後始可完工臣與曾國藩悉心商議以目今賊勢而論常德賊船多於岳州情形較岳州更爲喫緊曾國藩見擬將水師分爲兩起一起由益陽龍陽直抵常德遇賊卽剿一起稍後察看賊勢或合或分相機繼發務期與陸軍合力夾剿將兩城克復乘勢出江東下上諭軍機大臣等前因武昌失守當經諭令駱秉章迅催塔齊布等飛速帶兵東下以資援救嗣據該撫奏稱湖北賊匪竄陷華容龍陽等縣常德一路緊要已飭胡林翼統帶各路兵勇取道益陽馳赴龍陽相機進剿本日復據奏稱賊船由滄港白沙市駛進五月十六日攻陷常德府城覽奏憤懣之至常德與岳州對峙重湖賊勢猖獗亟宜迅圖克復胡林翼既由益陽取道黃土店自桃源武陵繞道前進著卽催令統領周鳳山李輔朝閃雲所帶合兵勇迅速進剿圖復郡城毋得再有延誤湖北自省城失陷後援兵甚少賊勢方張尤爲喫緊著塔齊布飛速統兵前進爲收復武昌之計楊需此時未知曾否渡江該提督由湖南東下較爲便捷著卽與楊需知照兩路夾攻勿稍延緩致干咎戾曾國藩所帶戰船既已修造竣事李孟羣所募水勇業經到省著卽催令曾國藩迅帶頭起師船進援常德與陸路兵勇合力夾擊儻能將岳常兩郡收復卽可乘勢進攻武漢其澧州一帶文報不通並著確探情形檄飭地方文武加意防守常德府與湖北貴州毗連州縣並著一體嚴防毋稍疏懈將此由六百里加緊諭令知之○予湖南常德殉節知府景星等廣西陣亡縣丞洪錫恭等祭葬世職○駱秉章奏署提塔齊布於五月二十日進兵大荆驛賊匪在新牆築土城三座扼要抗拒塔齊布飭都司普承堯由左守備彭三元由右親督兵勇由中分路進剿並飭中軍都司滕遇春將前隊兵勇進攻槍斃賊匪數十名連奪賊營三座賊匪潰竄適兩路兵勇繼至塔齊布率勇緊追斃賊百餘名生擒長髮賊四十餘名奪獲賊船四十七隻此中路獲勝之情形也其由平江進剿崇通賊匪各軍自五月初九至二十九日大小十一戰據候選訓導江忠淑等疊次稟報統計共斃賊九百餘名生擒百餘名陣斬賊目陳姓金姓僞司馬吳姓等多名此東路獲勝之情形也見在兩路相機進剿兵勇尙爲奮勉堪以仰慰宸厪報聞○癸卯諭內閣前據戶部奏請停鑄當千當五百大錢並慶惠等奏請停鑄當二百三百四百大錢均經降旨允行原以折當稍重恐於民間日用不無妨礙是以斟酌時宜准其停鑄至當百以下大錢子母相權整散互易通行遠近尤爲便民乃據戶部奏稱訪聞近日當百大錢又有奸商折算等弊請飭嚴禁等語錢法損益朝廷自有權衡如果於民生稍有不便不難隨時變通若法本盡善而慶惠小民妄肆阻撓任意折算實屬目

無法紀此風斷不可長著戶部步軍統領衙門順天府五城一體出示嚴禁嗣後商民行使當百以下大錢儻敢不遵錢面數目字樣妄行折減使用甚至造言煽誘抗不收使以致愚民相率猜疑即行擎交刑部從重治罪此等奸商阻撓錢法必應從嚴加等懲治著刑部迅速定擬罪名具奏至私鑄大錢人犯業經刑部奏定加重罪名此後私鑄當百以下大錢者並著刑部再行嚴擬罪名具奏仍著步軍統領等衙門認真查拏交部按律懲辦總之法在必行斷不能任令市僧把持妄冀變更成法也○乙巳諭內閣和春福濟奏圍剿廬州賊匪連獲大勝並舒城獲勝情形各等語六月十八日和春等督飭各營於寅刻四面合圍齊抵廬州城下賊匪於得勝門出三四千人三路分撲音德布等亦分途迎剿斃賊無數逆匪敗退入城二十一日南門內出賊二三千人鄭魁士等帶領湖南宣化青州各兵兩路出擊殲斃甚多我兵追殺直抵城濠始行收隊連日逆賊止思堅守我兵見由紫金埂等處設法進攻其舒城股匪秦定三於十六日移兵進剿逆眾突出千餘人在三連橋一帶巡遊經秦定三督率郝光甲鮑雲翥等帶同兵勇直前迎剿該逆紮住不動秦定三卽揮兵三面夾攻賊眾敗走生擒僞指揮徐從新一名立即正法隨即移營楊家店至三角井二十五日進至五里橋遇賊二千餘人來撲當令郝光甲鮑雲翥等三面夾攻擊斃無算餘賊敗匿城內皖省逆賊久踞廬城又分占舒城一帶和春等進剿廬州節次擒斬已逾萬名奪獲賊巢多處連日復大加痛剿郡城指日可復著卽乘此軍威剋期攻克其舒城一縣見已剿辦得手並著飭令秦定三迅圖克復再行移營前進掃蕩兇頑毋稍延緩○諭軍機大臣等前據駱秉章奏逆賊自五月十三日竄陷龍陽後由滄港白沙市駛進十五日攻撲常德府城十六日午刻城陷本日據官文等奏統籌全局摺內有賊撲常德經官兵擊退復竄岳州等語該將軍此摺係本月初二日拜發去常德失守之日已一月有餘何以官文等尚未得有確信殊不可解駱秉章前奏胡林翼周鳳山等由益陽取道黃土店自桃源武陵邊境直抵常德會同藩亦由水路前進此後並未續報該將軍所稱常德澧州賊皆下竄究竟竄往何處亦未詳細敘明澧州與荊州連界道路並非寫遠何以未將實在情形探明具奏該將軍所籌全局尙係爲圖剿武漢之計見在賊陷常德距荊州甚近逆蹤靡定尤應加意嚴防該將軍務當體察緩急情形隨時設備一面確探賊匪是否見尙盤踞常德抑係竄赴何路迅速奏聞毋稍遲緩楊需此時諒已馳赴湖北督兵前進所有四川赴援兵勇卽可歸楊需調遣其荆襄一帶防守事宜卽責成官文貴陞實力督辦並與楊需隨時知照互相策應軍情變幻靡常惟在該將軍等偵探明確相機布置毋稍大意據奏青麀魁玉楊昌泗收集潰兵數千名繞至長沙有來荆之說殊堪詫異青麀等兵潰後何以徑行遠赴長沙再來荆郡此信如果屬實著俟青麀等到荆後卽專摺迅速入奏聽候諭旨其所帶兵勇統歸官文等派員管帶潰散之餘固應收集惟台湧前在德安卽因潰兵失事此等潰散兵勇本不足恃且恐與賊匪暗相勾結該將軍等務須悉心詳查分別去留毋致再蹈前轍將此由六百里加緊諭知官文並諭貴陞知之○諭勝保崇恩奏武定防堵喫緊見籌布置情形一摺前因運河斗漲恐連鎮逆匪乘隙紛竄諭令崇恩於武定德平一帶嚴防茲據奏稱於本月初三日帶兵三百餘名自高唐赴省布置再